



АТҚАРУ КОМИТЕТІ

ИСПОЛНИТЕЛЬНЫЙ КОМИТЕТ

ҚАУЛЫ ПОСТАНОВЛЕНИЕ

24.06.2023 ж.

№ 26, 2-т.

Кәсіподақтың 2022 жылы кәсіподақ мүшелерінің салауатты және қауіпсіз еңбек жағдайларына құқықтарын қорғау жөніндегі жұмыс қорытындысы туралы

Кәсіподақ төрағасының орынбасары В.Ф. Беженаровтың «Кәсіподақтың 2022 жылы кәсіподақ мүшелерінің салауатты және қауіпсіз еңбек жағдайларына құқықтарын қорғау жөніндегі жұмыс қорытындысы туралы» ақпаратын тыңдап және талқылап, Атқару комитеті:

Қазақстандық оқу-ағарту, ғылым және жоғары білім қызметкерлерінің салалық кәсіптік одағы міндеттерді іске асыру және еңбек заңнамасының нормаларын сақтау үшін кәсіподақ мүшелерінің еңбекті қорғау, құқықтары мен заңды мүдделерін қорғау саласында белгілі жұмыс жүргізіп келеді.

2023 жылғы 1 қаңтардағы жағдай бойынша кәсіподақ құрылымдарының белсенді қолдауымен салалардағы мекемелер мен кәсіпорындарында еңбекті қорғау жөніндегі **8741 өндірістік кеңес** құрылды. 2020 жылмен салыстырғанда кәсіподақ құрамындағы өндірістік кеңестер саны **685-ке**, өткен жылмен салыстырғанда **378-ге** артты.

Есептік жылы техникалық инспекторлардың сандық құрамы – **8833** адам, бұл 2021 жылмен салыстырғанда **445-ке** артық.

Техникалық инспекторлар еңбек жағдайлары бойынша **4935** тексеру жүргізді, оның ішінде өндірістік кеңестердің бастамасы бойынша – **3362**, қызметкерлердің бастамасы бойынша – **368**, өзге де тексерулер – **1205**.

Қауіпсіз еңбек жағдайларын қамтамасыз ету бойынша **1749** бұзушылықтары анықталды. Қауіпсіз еңбек жағдайларын қамтамасыз ету бойынша **1525** бұзушылықтар жойылды.

Мемлекеттік уәкілетті органдар мен білім басқармасының мобильді топтары құрамындағы кәсіподақ өкілдері еңбек қауіпсіздігі және еңбекті қорғау бойынша **1205** тексерулер жүргізді.

Жарақаттану көрсеткіштері: жеңіл жарақат – **20 қызметкер**; ауыр жарақат – **10 қызметкер**; өлімге әкеліп соққан жағдай – **3 қызметкер**. 2021 жылмен салыстырғанда 2022 жылы ауыр зардап шеккендердің саны

өзгеріссіз қалды. Өлімге әкеліп соққан өндірістік жарақаттар саны 1-ден 3-ке дейін артты.

Қоғамдық бақылау жүргізу бағытында жалпы оң динамика байқалады. Дегенмен, тексеру жиілігі төмен болып қалатынын ескеру қажет. Сонымен, 2022 жылы 8833 техникалық инспекторға тек 4935 тексеріс болып тұр, бұл жеткіліксіз. Алматы қаласының, Батыс Қазақстан және Қостанай облыстарының кәсіподақ ұйымдарының басшылық органдары осы бағытта тиісті шаралар қабылдауы тиіс.

Анықталған бұзушылықтардың негізгі бөлігінде қызметкерлерді жеке қорғаныс құралдарымен толық қамтамасыз етпеу, еңбек қауіпсіздігі бойынша уақтылы нұсқамалардың болмауы сияқты бұзушылықтар басым бөлігін құрайды.

Кәсіподақтың көптеген мүшелік ұйымдарында еңбек заңнамасының сақталуына кешенді және тақырыптық тексерулер жүргізу, содан кейін кәсіподақтың барлық деңгейлеріндегі алқалы сайланған органдарда тексеру нәтижелерін қарау бойынша жұмыс жүйесі қалыптасты.

Жамбыл, Павлодар облыстық кәсіподақ ұйымдарында білім беруді басқару органдарымен, мемлекеттік еңбек инспекциясымен, прокуратурамен және басқа да мемлекеттік қадағалау органдарымен өзара іс-қимылдың қызықты тәжірибесі іске асырылуда. Мұнда жыл сайын білім беру ұйымдарының жаңа оқу жылына дайындығын тексеру жөніндегі ведомствоаралық комиссия құрылады. Ведомствоаралық комиссиялардың жұмысына міндетті түрде сайланбалы кәсіподақ органдарының өкілдері, техникалық еңбек инспекторлары, білім беруді басқару органдарының мамандары қатысады. Ведомствоаралық комиссия санитарлық-гигиеналық және өрт қауіпсіздігі талаптарының орындалуын, еңбекті қорғау мәселелері бойынша құжаттаманың жай-күйі мен оның болуын тексереді. Мұндай тәжірибе оң резонансқа ие, өйткені қауіпсіз еңбек жағдайларын жасауға бағытталған іс-шаралар жұмылдырылады, жұмыс орындарында басшылардың еңбекті қорғау мәселелеріне қатынасы жақсарады.

Кәсіподақты оқытуға көп көңіл бөлінеді. Мүшелік ұйымдар 2022 жылы еңбек қауіпсіздігі мен еңбекті қорғау мәселелері бойынша **795 оқыту семинарларын** өткізді.

Кәсіподақтың Орталық Комитеті мүшелік ұйымдармен онлайн оқыту өткізді, барлық мүшелік ұйымдарда қатысушылардың жалпы саны – **1050 техникалық инспекторды** құрады.

Алайда, өндірістік жарақаттану бағытындағы жағдай әлі де күрделі. Егер 2020 жылы сала бойынша өндірістегі жазатайым оқиғалардың жалпы саны 10 болса, 2021 жылы – 26, ал өткен 2022 жылы – 33 болды. 10 адамнан 2 адамға дейін қызмет көрсетілетін ұйымдардың өндірісте қаза тапқан қызметкерлерінің жыл сайынғы саны ауытқып отырады.

Өндірістегі жазатайым оқиғалардың ең көп саны 2022 жылы Қостанай (8 жағдай), Павлодар (6 жағдай), Ақмола облыстарында тіркелді.

Қазақстандық оқу-ағарту, ғылым және жоғары білім қызметкерлерінің салалық кәсіподағының Атқару комитеті **ҚАУЛЫ ЕТЕДІ:**

1. Кәсіподақ төрағасының орынбасары В.Ф. Беженаровтың «Кәсіподақтың 2022 жылы кәсіподақ мүшелерінің салауатты және қауіпсіз еңбек жағдайларына құқықтарын қорғау жөніндегі жұмыс қорытындысы туралы» ақпараты назарға алынсын.

2. Кәсіподақтың Орталық комитетінің құқықтық жұмыс, еңбек қауіпсіздігі және еңбекті қорғау бөліміне (Р.М. Қыдырбаеваға):

- 2023-2024 оқу жылында Кәсіподақтың техникалық еңбек инспекторларын еңбекті қорғау бойынша оқытуды ұйымдастырсын;

- одан әрі ілгерілету мақсатында Қазақстан Республикасының Кәсіподақтар федерациясына енгізу үшін өндірістік кеңестер мен еңбек қауіпсіздігі және еңбекті қорғау жөніндегі техникалық инспекторлардың қызметін нормативтік құқықтық реттеуді жетілдіру жөнінде ұсыныстар пакетін дайындасын.

3. Кәсіподақтың мүшелік ұйымдарының басшылық органдарына:

- қызметкерлердің қауіпсіз еңбек жағдайларына қатысты құқықтарын қорғау жөніндегі жұмысты жандандырсын, кәсіподақ ұйымының барлық құрылымдарының осы бағыттағы іс-шараларына қатысуын қамтамасыз етсін;

- еңбекті қорғау және қауіпсіздік саласындағы заңнама талаптарының сақталуына бақылауды күшейтсін;

- Кәсіподақтың мүшелік ұйымдары аппараттарының штаттарына техникалық еңбек инспекторы лауазымын енгізу туралы мәселені қарастырсын;

- өңірлік салалық келісімдерде, ұжымдық шарттарда техникалық еңбек инспекторларының қызметіне кепілдіктер көзделсін;

- техникалық еңбек инспекторларының, кәсіподақ органдарының басқа да өкілдерінің 2023-2024 оқу жылының басында білім беру қызметін жүзеге асыратын ұйымдардың әзірлігін тексеру жөніндегі комиссиялардың құрамына қатысуын қамтамасыз етсін.

4. Осы қаулының орындалуын бақылау Кәсіподақ төрағасының орынбасары В.Ф. Беженаровқа жүктелсін.

Төраға



А. Мұқашева